

續山東考古錄

續山東考古錄卷之二

滄州葉圭綬子佩甫述

濟南府中

淄川縣

周齊昌國邑

史記樂毅封昌國君按卽漢縣

漢青州濟南郡般陽縣齊郡昌國縣

般陽縣卽今縣治 寰宇記淄州在漢爲濟南郡之般陽縣

屬濟南樂安二國

前漢千乘非國濟南非國終爲國後漢濟南非國

尋又置臨菑國於

此迄今一名臨淄城一名齊城校勘云般陽前漢屬濟南郡

續山東考古錄

卷之二

淄川縣

一

蝸角尖廬

後漢屬齊國今但以般陽一縣言之則當云漢爲濟南郡之般陽後漢屬齊國其曰屬樂安濟南二國者誤也若梁州境而言兼有漢濟南之般陽太山之萊蕪之地今之高苑兼有漢千乘郡樂安國之地又不當云屬樂安濟南二國也又云置臨淄國於此當云置齊國於此余按州郡沿革有樂全境言者有指治所言者在漢爲般陽指治所也唐宋淄州本兼有前漢濟南千乘太山三郡地樂氏據所得多者言故第二云濟南樂安然此實本於通典通典云淄川漢屬濟南樂安二國之地又屬淄川國按唐淄州無漢淄川國地杜氏因縣名而混入之樂氏似知其誤而改作臨淄愈繆至校勘亦不知

臨淄不在此且誤以千乘樂安爲兩地

昌國縣故城在東北四十里又稱昌城

後漢青州齊國般陽縣昌國縣魏景初三年置新沓縣晉因之

寰宇記淄川縣故反蹤城齊記云齊景公失馬尋蹤遂失於

此故有反蹤城又輿地記云魏明帝景初三年以遼東新沓

縣當作沓氏縣三國志作東沓亦誤吏民渡海來去還有脫於此置新沓縣

以居之屬齊郡也按此城無方向里數縣志疑卽東北二十

里羅家莊西南之故城備考據三國志立此縣於齊郡故縱城水經注延鄉俗曰從城或在

也彼

晉志齊國無般陽縣劉宋志魏志般陽下並云晉太康地志

屬齊則晉志亦脫載耳寰宇記以爲晉省似未核

晉書山濤傳魏咸熙初封新沓子晉泰始初進新沓伯薨賜新沓伯蜜印子該嗣爵是西晉終有此縣矣

劉宋青州濟南郡土鼓縣僑冀州清河郡治貝邱縣移般陽於今臨朐境又武城縣繹幕縣郈縣移昌國於臨朐城後魏清河郡加東字屬青州

劉宋土鼓縣故城在西南四十里今鼓城村據魏志漢土鼓城析入博平此城西去漢治不遠爲宋移治無疑

舊說宋魏貝邱卽漢般陽城據隋志淄川下舊曰貝邱置東清河郡之文也但宋魏此郡皆首清河晉清河郡治清河僑

縣似當仿其制魏志此貝邱有萊蕪城是僑置於萊蕪地如  
治般陽而兼有萊蕪城不惟僑縣無如許大且其東則郇縣  
其西則土鼓繹幕其北則武城不知清河僑置何地余疑宋  
魏清河僑縣仍倚郡郭高齊省併諸僑縣始移貝邱入今治  
耳姑從舊說俟再考

魏志武城有昌國城縣治當在東北

又繹幕有隴水縣治當在西

或曰在今博山詳博山

又郇縣有淳于髡墓今在益都西境縣東南

里有城子

莊疑郇縣治備考

齊乘般陽路元魏高齊爲東清河郡按置郡者宋漏書於前

廢郡者齊誤出於後通志云後魏置東清河郡按劉宋置後魏有實土故此加東以爲別非魏置

高齊齊州東平原郡貝邱縣天保七年併郡入東平原郡省土鼓入衛國周因之

隋志後齊廢東清河郡 齊書崔劭傳南平原貝邱人即東

平原郡

隋齊州淄川縣開皇十六年於貝邱置淄州十八年改縣爲今

名大業二年州廢來屬又亭山縣地隋志亭山有儒山今在鼓城村南五里亭山即衛國

改未詳何時析入縣境

唐河南道淄川郡治淄川縣武德元年復置淄州又置長白縣

六年省入淄川天寶元年改淄州爲淄川郡乾元元年復稱淄州五代因之

長白縣故城未詳所在

宋京東東路淄

州川郡

軍事治淄川縣

金山東東路淄州治淄川縣

元都省山東般陽路治淄川縣淄州初屬濟南路中統五年升淄州路至元二年改淄萊路二十四年又改

齊乘般陽路路禹貢青州之域萊夷作牧之地按路統登萊

二州

登萊與路治中隔益都路不接壤

故于氏云然本路所屬淄川新城長

山蒲臺四縣不得以萊夷槩之也

明山東布政司濟南府淄川縣初改般陽路爲府升淄川縣爲  
淄川州又改淄州般陽府尋廢州降爲淄川縣來屬

明志太祖吳元年改般陽路爲淄川州二年七月州廢來屬

紀要改州在洪武九年廢按明州皆屬府州廢而縣始屬濟  
州在十二年未知孰是

南府未廢州之前州何屬耶縣志洪武九年改爲般陽府淄  
川州又改淄州是明初州屬般陽府也又云十二年改淄州  
爲淄川縣是升縣爲州無倚郭縣明初諸州皆如此

國朝因之

縣志

乾隆四十一年修  
知縣張鳴鐸

沿革劉宋仍爲般陽縣其古蹟志

不知劉宋般陽冒國皆徙臨朐反斥隋唐正史之誤 狼

山一名邱山高齊以貝邱名縣蓋取諸此繆極

新城縣

周齊渠邱邑

近志以縣爲齊桓公繫馬臺未知所本

春秋昭公十一年楚申無宇曰齊渠邱實殺無知杜注渠邱

今西安縣也齊大夫雍廩邑

在莊九年

後漢志西安有蓮邱里

漢青州齊郡西安縣千乘郡平安縣延鄉縣又高宛縣地

東城在境

西安縣故城在東四十里今索鎮

亦在臨淄西三十里近志係彼據元志係此

平安縣故城在東北四十里今會城水經注濟水東北迤爲

淵渚謂之平州濕沃側有平安縣故城俗謂之會城非也應

劭曰博昌縣西南三十里有安平亭故縣也

此平安字倒耳若淄水所逕之

東安平城在臨淄東禹貢雖指以此城當之繆甚世尙存平州之名矣按邑人王象

功春遊記以此爲春秋之平州非是

詳萊蕪

水上可居謂之州

俗名會城因平州字而附會者酈氏非之最當

水經注蓋野溝水導源延鄉城東平地出泉西北逕延鄉城

北世人謂故城爲從城西北流逕高苑縣北

逕其北境非逕城北注時

水王象功曰牟莊東北有古城拍浮水面漢封李璋之延鄉

城也姑從備考 齊乘稱延鄉城在樂安西北謂之會城顯

與酈注不合又云博昌古城西對古城卽延鄉城考證云前

言在樂安西北則處博昌之東矣此又云云皆臆度也按于

氏誤以會城爲延鄉城故又云然

高宛東城在東十二里今格孫城又名箕遊城水經注時水

於西安縣西分爲二水枝津西流會德會水今德會水又西自注龍水

逕東高宛城中而西注俗人遏令側城南注又屈逕其城南

又北注故瀆又西蓋野溝水注之又西逕西高宛縣故城南

漢高帝六年封丙倩爲侯國據此東城在西安城西高苑城

之間時水支津之北也此城介索鎮苑城店之間時支雖枯

縣南烏河猶有故渠自西安分支而西此城乃所必逕卽高

苑東城無疑特格孫箕遊之名所未詳耳或曰劉宋僑高縣在高苑地格似高

音訛孫似縣形訛或本置於東高苑城也備考鄭氏沿徐

廣之誤以此城爲高密國都辨詳高密又西城曰縣此城不

曰縣故漢高苑縣係長山而此加地字但高苑究治何城古

無明文元和志高苑縣隋取東南高苑故城爲名正指此城

未敢謂縣治必在西城  
也故此城不入雜考

後漢青州齊國西安縣樂安國高苑縣地博昌縣地

據應劭語平安省入

魏晉因之

劉宋僑冀州廣川郡索盧縣移西安於今臨朐境又樂陵郡漯

沃縣

當有鬲縣地或平原縣地長樂縣地或曰鬲縣治在境詳前

後魏齊州東清河郡索盧縣青州樂陵郡漯沃縣

僑索盧縣卽漢西安城故今有索鎮之名

僑漯沃縣治在東北魏志滄州樂陵郡漯沃下有延鄉城按

劉宋於千乘故地僑置樂陵郡則後魏青州樂陵之漯沃有  
延鄉城其宜也若滄州漯沃在今高苑北千乘故城西北五

十里大河之北安能越渤海樂陵諸僑郡及黃河漯濟而有  
延鄉城耶况宋魏以河爲界魏未得青州之前宋自有漯沃  
僑縣其不能并爲一地尤明甚水經注亦稱平安城在漯沃  
側其地與滄州漯沃相去頗遠則亦指青州漯沃可知延鄉  
城與平安城卻相近此似青州漯沃下注文并出於滄州漯  
沃下耳今姑妄據暫論書之仍俟考

高齊周武強縣地長樂縣地隋唐五代宋金長山縣地

武強  
高

苑縣地

長樂  
改 臨淄縣地

索鎮  
舊隸

元都省山東般陽路新城縣至元十九年置

新城縣卽今治元志新城本長山驛臺太宗在潛以人民完

聚創置新城曰新城以田索二鎮屬焉 齊乘元丁巳年行  
長山縣廢入高苑治所疑在縣境

明山東布政司濟南府新城縣洪武七年省尋復

國朝因之

縣志

康熙二十三年修  
知縣崔懋

沿革漢爲於陵高苑二縣地屬濟

南郡按漢於陵北境不及此不得以後代長山例之也既  
知有高苑地不得但云屬濟南郡古蹟有平安延鄉二城  
此不當祇稱於陵高苑地 劉宋武強長樂二縣地按劉  
宋平原鬲縣皆在高苑武強境未必及此

脫魏齊  
周三代

齊河縣

周齊轅邑

當有古祝國地  
齊祝阿邑地

春秋哀公十年晉趙鞅伐齊取犁及轅杜注祝阿縣西有轅城水經注引作西北按卽漢瑗縣

漢青州平原郡瑗縣龍頤縣又祝阿縣地高唐縣地後漢魏晉劉宋祝阿縣地高唐縣地

瑗縣故城在西北二十五里今晏城

金齊河有晏城鎮

水經注深

逕瑗縣故城西又逕高唐縣故城東又字下無東北字是瑗縣之西卽高唐之東瑗城在高唐東也高唐故城在縣西北六十里晏城在其東寰宇記以爲晏嬰城殊無依據晏卽瑗音轉耳晉人取犁及轅二邑當相鄰接犁邑在今濟陽西南

十里與此城相近且在祝阿西北卽瑗縣故城無疑寰宇記稱在禹城南百里漯不能逕其西且在祝阿故城西南或據漯水逕瑗西在高唐前謂援城在高唐故城西南是不明水經注書法且非晉時祝阿地矣

龍頤縣故城在 里寰宇記龍頤故城在廢禹城東南

二十五里或曰今治卽其故城址考續通典稱高唐故城在廢禹城西四十里是龍頤城在高唐故城東南六十許里與

今治至高唐故城方向里數皆合備考魏崔浩稱弓高有龍頤村在今景州東三

十里蓋漢封弓高侯韓彭當孫護爲龍頤侯食邑在彼其地非漢平原郡地龍頤縣城不在彼也漢侯邑此類甚多觀漢書表可見詳雜考顏師古曰作額非通鑑辨誤史炤曰邪格切按班志注云額音洛若從鄂格切則是額字史炤殆不

考字書也按額音洛  
今漢志無此注文

後魏齊州太原郡祝阿縣魏徙祝阿縣來治齊因之周徙治龍

領故城尋還後魏故治

齊太原郡廢祝  
阿未詳所屬

後魏祝阿縣故城在西北

里寰宇記引括地志云禹城

在山荏縣北

唐初山荏即豐齊縣當云祝阿故城在山荏北  
括地志成於唐貞觀時不但漢祝阿城不當稱

禹城後魏祝阿城其時猶未改名也  
此必非括地志原文當是樂氏之誤後魏移於濟北濟水北也又

云廢禹城縣在禹城縣南八十里又云阿陽城在廢禹城西

北五十五里在禹城縣南七里然則廢禹城在今禹城南微

東六十餘里耳合之高唐故城在西四十里之說則後魏祝

阿城當在縣西北二十許里

寰宇記周宣帝時祝阿會理龍領故城玩會字義蓋不久仍

還魏治

祝阿後魏徙濟北近志絕無考及者後漢書章懷注祝阿故城在今山荏縣東北是唐初已稱漢治為故

城近志稱唐改漢

縣為禹城誤矣

隋齊州祝阿縣唐禹城縣地武德初置源陽縣貞觀元年省入

祝阿天寶元年改祝阿為禹城乾元初徙治遷善村即今禹城唐元和十

年以前縣境當有豐齊縣地五代宋因之

寰宇記源陽縣故城在禹城縣南百里按縣以在源水之陽

得名源即漯水水北為陽漯水在禹城南五六十里今有故

道源陽縣似不能在禹城南百里通志疑縣西北五十里倫

鎮

本宋安仁鎮為源陽縣近是備考

金山東東路濟南府齊河縣偽齊劉豫置

齊河縣卽今治水經注玉符水北流注濟

卽城東豐齊河建入大清河處

武五年耿弇擊張步從朝陽橋渡兵卽是處也齊乘齊河本

宋之耿濟鎮漢耿弇討張步自朝陽濟河

此齊濟非濟河卽此地金

劉豫家於此僭位後置爲縣大定八年始城之山水篇云齊

河縣南門外有梁跨水古朝陽橋遺蹟按耿弇攻張步首攻

祝阿光武所謂攻祝阿而發迹是也後漢書章懷注朝陽橋

在齊州臨濟縣蓋因臨濟乃隋朝陽縣地余謂此朝陽自是

橋名如至章邱之臨濟鎮則已出厯城東矣非是 紀要宋

改耿濟爲齊河未知所據

元直隸都省山東德州齊河縣至元三年屬

明山東布政司濟南府齊河縣

國朝因之

縣志

乾隆二年修知縣上官有儀

東漢名耿濟鎮繆

齊東縣

漢青州濟南郡朝陽縣後漢曰東朝陽魏因之

朝陽縣故城在西南三十里俗曰魏王城寰宇記臨濟縣朝

陽城在縣東北四十里此城西南去臨濟鎮與此合魏王之

名未詳所由

俗傳李密築無據紀要以當聊城之王城謬甚

後漢書濟南王康傳

建武三十年以平原之朝陽益之未詳何時移屬平原 杜

預稱濟南朝陽是晉初猶仍漢舊補三國志魏屬樂安不可從

晉青州樂安國東朝陽縣

劉宋青州濟南郡朝陽縣樂安郡臨濟縣

後魏齊州濟南郡朝陽縣東平原郡臨濟縣齊周末詳

魏志朝陽有朝陽城未詳徙治何所或曰卽縣西延安鎮

劉宋臨濟縣故城在東三十里今劉家鎮魏志臨濟有建新

城鄒平城蓋於臨濟城僑置長樂縣西徙於其西境

建新城後漢以

來卽臨濟地詳青城

兼有鄒平地也寰宇記臨濟縣

此卽今臨濟鎮

故樂安城

在縣東八十里漢更千乘郡爲樂安國卽此是也考後漢樂

安國治臨濟縣在今高苑西北二里西去隋唐臨濟縣百二

十許里與八十里之數迥不相符此樂安城卽劉宋徙建信

鄒平兩城間之臨濟縣誤以爲漢縣遂以爲樂安國耳今劉

家鎮有古城址舊誤爲漢梁鄒城其地在建信西南

古城新城鄒

平故城

鄒平孫鎮

北而西去臨濟鎮正八十里卽宋魏臨濟城矣

元和志臨濟縣開皇六年移朝陽縣理於此是齊周有朝陽

也又云隋改朝陽爲臨濟或齊周已省臨濟或隋初省所未

詳矣闕疑俟考

齊乘高齊省朝陽入章邱考齊高唐尙未改章邱且臆度不足據

隋臨濟縣地開皇六年徙朝陽於今章邱之臨濟鎮十六年

改朝

陽爲臨濟

別置朝陽縣大業二年省入臨濟唐五代因之宋鄒平縣

地九域志鄒平有趙巖口鎮臨河鎮章邱縣地金因之金志章邱有延

安鎮又鄒平有介東鎮齊乘齊東縣舊趙岩口金

爲齊東鎮劉豫置夾河巡檢司介東卽齊東之訛

隋復置之朝陽或因漢舊或因魏治或別築城皆未詳

元都省燕南河北道河間路齊東縣戊子年析鄒平章邱置憲

宗三年屬濟南路至元二年屬

齊東縣卽今治 紀要城東有齊東舊城在大清河東岸遺

址尙存按在大清河東當在今縣城西縣志不載未詳

明山東布政司濟南府齊東縣

國朝因之

縣志

康熙己丑年修知縣金爲霖

志文義多不通考證錯誤何足與辨

濟陽縣

周齊犁邑又名犁邱

春秋哀公十年左傳晉趙鞅伐齊取犁及轅杜注犁一名隰  
濟南有隰陰縣又二十五年晉伐齊戰於犁邱杜注隰也水  
經注漯水逕漯陰縣故城東故犁邑也按漯本作濕他合反  
漯其省文作溼作隰皆形訛

詩俟我于著乎而漢書地理志引之顏師古曰著地名濟南  
著縣按當從門屏之間爲著之說

漢青州平原郡漯陰縣濟南郡著縣後漢因之魏漯陰未詳所

屬後漢書建武三十年以平原之漯陰益濟南國中元二年  
削之肅宗還所削地還屬平原當在永興元年國除後

漯陰縣故城在西南五十里寰宇記稱在臨邑縣西十里

著縣故城在西二十里今邾城水經注漯水

自漯陰東

又東逕著

城南又甘棗溝

自漯陰北

又東逕著城北是著城在漯陰東北也

縣西土河卽甘棗溝故道邾城在土河南漯陰城東北卽著

城矣蓋自韋昭誤著爲著魏志齊乘仍沿其誤邾又著之訛

耳寰宇記著城在臨邑東南五十里據今臨邑言如在劉宋

臨邑東南五十里則在大清河南今歷城境矣漯能逕其南

甘棗溝能逕其北耶近志以曲堤鎮或回河鎮當之皆非是

齊乘臨邑縣漢濟南著縣平原漯陰縣地古城

謂漯陰城

近在

縣西十里按此本寰宇記劉宋至宋初臨邑沿革也元時臨

邑卽今臨邑其西十里安所得漯陰城乎

晉青州濟南郡著縣漯陰縣

晉志濟南無二縣茲據晉書解系傳濟南著人及魏志

見歷城

並杜預說

前見補

又寰宇記宋武帝平廣固遂移漯陰於今臨

邑西北五十里曰北漯陰城是東晉末漯陰猶未廢也補三

國志補東晉志皆無漯陰殊爲疎漏紀要稱石趙復置漯

陰劉宋曾僑置青州按石趙復置遍考未得所據宋本有青

州何煩僑置迨沒於魏又何緣僑置於漯陰乎况漯陰本青

州地如曾爲州治可云移治不得云僑置也

劉宋青州濟南郡著縣僑冀州魏郡臨邑縣

後魏列州濟南郡著縣東魏郡臨邑縣

僑臨邑縣故城在西南 十里魏志臨邑有鵲山隰陰城元

和志臨邑縣在州北六十里州今濟南府其故城當在縣西

南三四十里 互詳臨邑

高齊齊州濟南郡臨邑縣 是時實土周因之

隋齊州臨邑縣及臨濟縣地 縣治本臨濟地宋入章邱又安德州安德縣地

唐河南道濟州臨邑縣元和十三年置歸化縣太和四年省

入臨邑又臨濟縣地五代因之宋臨邑縣地章邱縣地

歸化縣故城在西北五十里今新市城寰宇記唐元和二年

新唐志在橫海軍節度使鄭權奏德州安德縣渡黃河南隣

三十年

齊州臨邑縣有灌家口草市

胡三省曰天下兵爭凡民居在城外率居草屋以成市里以其

價廉功省猝遇兵火不

頃者成德軍於市北十里築城名福至甚傷財以害其生理

城緣隔黃河與臨邑縣對岸又居安德安平

唐志無此平縣詳德州

原三縣界疆域濶遠易動難安請於此置縣以歸化為名詔

從之今廢為鎮按元和志黃河在臨邑北七十里當在今府

北百二三十里歸化城在北岸今新市城正其地縣舊志相

傳為故縣治亦其證也

互詳臨邑

宋臨邑縣已徙今治據宋志則建隆三年先徙縣西南之孫

耿鎮備考

互詳臨邑

金山東東路濟南府濟陽縣天會八年

或以為天會三年誤析臨邑章邱

於標竿鎮置大定六年改名清陽通金主允濟名旋復故又臨邑縣地

濟陽縣即今治金承安三年縣學碑稱天會八年改置縣其明年劉豫如僭號齊乘以為豫也非也

元都省山東濟南路濟陽縣附至元二年置新市鎮長官司隸

濟南路

齊乘新市鎮城舊屬臨邑至元二年併入濟陽撥戶千二百

四十六置長官司管投下差稅直隸濟南路按既云隸路則

不得云併入濟陽或先自臨邑割隸濟陽又置長官司隸濟

南路歟

明山東布政司濟南府濟陽縣 裁長官司

國朝因之

縣志

乾隆三十年修  
知縣胡德珪

沿革春秋甯戚采邑誤

晉荀瑤伐

齊取犁及轅誤趙鞅爲荀瑤

漢著縣及陽邱縣地東漢

省陽邱朝陽號入東朝陽三國魏晉東朝陽地北齊廢朝

陽置高唐縣隋唐五代章邱臨邑地按以上皆因縣治本

宋之章邱地遂將章邱沿革裝入又復錯謬百出

東朝陽  
即朝陽

高唐非廢朝陽置  
唐以前縣境無章邱地以  
臨濟未省也縣自劉宋以來即臨邑不始於隋

金割章

邱臨邑故著縣置今縣按古縣在縣境者不止著縣且既

云章邱臨邑則著故地已在其內此殊夾雜 古蹟著城

即曲堤鎮臨邑城疑即郛城馬防城即仁風鎮皆沿通志

之誤 新市城南北朝曾僑置中山國之新市縣按此想

當然語余謂新市之稱似因對岸草市得名

德州

夏鬲國

春秋哀公元年左傳伍員曰寒浞滅夏后相靡奔有鬲氏杜注今平原鬲縣水經注以爲有窮后國似誤

漢青州平原郡鬲縣

西境當有冀州信都國廣川縣地

後漢魏晉因之

鬲縣故城在東南二十五里據水經注大河故瀆逕鬲城西在繹幕縣之後通典安德下鬲縣故城在西北寰宇記引郡國縣道記及齊乘說並同州志云東南二十五里武家莊掘井得城牆一段卽古鬲城考其地在老黃河之東繹幕城北

陵縣西北從之近志有稱在德平東十里者又有謂古國漢

縣爲兩城者皆繆

後漢志鬲縣次般縣後後人誤以鬲侯國三字作般縣注般城在德平東因致此誤

後魏鬲縣地移縣治臨齊城

詳陵縣

高齊周安德縣地

廣川縣後漢屬清河

晉屬渤海後魏屬長樂齊省入棗強其故城在今直隸冀州棗強縣東十八里齊周縣西境當有棗強地

隋德平原郡

長河縣開皇十六年復置廣川縣於此

去漢城八十里

仁壽

元年改名

關朔曰廣川縣中有長河爲流故曰廣川顏師古曰隋仁壽元年初立煬帝爲皇太子以避諱故改長河

長河縣故城在州東十里今方山店

隋志安德下開皇十六年置繹幕縣大業初廢入焉州志州

東南四十里篤馬河東岸龍泉寺東有廢城址寺碑云東鑑

魏國城此地舊屬安德卽隋繹幕之廢址按漢繹幕城唐宋

屬平原隋縣省入安德州志雖無據亦未敢謂其逕非也故州與恩縣繹幕縣復置皆不書附此備考

唐河南道

德州平原郡

長河縣五代梁唐因之晉移州來治長河西

城漢因之周省縣入將陵州遼治安德

唐長河縣西城在城西衛河西岸元和四年徙十年又移治

小胡城卽今治舊唐志長河縣城爲水所壞移就白橋於禾

澗河西岸置縣東去故城十三里十年又置河東小胡城

唐初

竇建德故將王小胡亡命至貝州作亂此城當其所築近志或作小壺似誤

宋志將陵縣本唐

長河西城晉爲德州治周廢爲鎮按唐已移縣治小胡城晉

復移治西城耳 紀要宋廢爲鎮誤

宋河北東路永靜軍將陵縣景祐元年移縣來治長河西城故

城在安德北五十里今爲直隸河間吳橋縣地

紀要宋移將陵卽今州治通志宋移於小胡城皆與宋志不合

金河北東路景州將陵縣

元都省燕南河北道河間路陵州憲宗三年升將陵縣爲州來

屬旋屬濟南路至元二年降爲陵縣三年復爲州還屬

州志至元二十

三年又徙治西北十許里未知所本

明山東布政司濟南府德州洪武元年降陵州爲縣屬濟寧府

二年屬德州七年廢陵縣其地直隸於州移州來治

附洪武初

置德州衛於小胡城三十年州治移入

國朝因之

田雯長河志高真觀前土人掘地得石鐫曰安平縣界按漢安平縣屬涿郡境不及此歷考前史地志此

左近並無安平縣惟寰宇記載唐元和時鄭權奏置歸化縣稱爲居安德安平平原之間則唐時曾於德州置安平縣而史失載耳此立石處當是其縣界石其治所未知何

州志

乾隆三十五年修知州王道亨

志多杜撰武斷摘其尤者如左

自古黃河皆逕州境以篤馬河爲漯而力駁水經注

以臨齊城爲曹魏築且杜撰魏武伐袁氏時一事以實之

訓鬲津爲隔言津自此隔斷訓篤馬河如馬之篤厚

有力訓屯氏河爲屯如邇如水不進也漢許商自高

唐以東開新河名爲漯殷河決者五皆在州境

續山東考古錄卷之三

滄州葉圭綬子佩甫述

濟南府下

德平縣

漢青州平原郡平昌縣般縣幽州渤海郡重平縣

平昌縣故城在東南三十里詳紀要稱在東北一里非是

般縣故城在東北二十五里舊唐志作三十里

重平縣故城在西北三十里亦在直隸吳橋縣東南二十里或作重合城非

後漢青州平原國西平昌縣般縣冀州渤海郡重合縣地水經注引

應劭曰重合縣西南魏晉因之晉平原屬冀州西平昌晉亂廢

續山東考古錄 卷之三 德平縣 一 蝸角尖廬

西平昌縣故城在西南三十里舊以爲前漢平昌城非

詳下

後漢志平原無西平昌縣而樂安國下注文高帝置爲千乘郡句帝字下置字上行西平昌三字蓋兩地相次錯簡於此魏志平昌下後漢晉爲西平昌寰宇記平昌縣後漢改爲西平昌皆其證劉宋志稱後漢省蓋續漢志之錯簡久矣

後魏滄州安德郡治般縣郡城卽今縣治中興初分樂陵郡置

太和初罷天平初復又重平縣孝昌中復

寰宇記云宣武大明二年復今從魏志

又平昌縣太和二十二年復

西平昌晉未廢魏志云後漢晉曰西平昌後罷蓋晉亂廢也寰宇記

日永熙二年除西字屬渤海郡熙平中屬樂陵郡後屬

魏志滄州安德郡治般界蓋與縣不同城也隋志平昌下後

魏置東安郡後齊廢當作東安德郡以別冀州安德郡魏志無東字或史官追加者隋平昌卽今治蓋後魏於此別築城爲郡治高齊廢郡徙平昌縣於此也

後魏平昌縣卽前漢平昌縣城魏志滄州平昌下云治平昌城則仍漢治甚明寰宇記云漢平昌故城在德平縣西北三十里後魏永熙二年移於今縣東南廢平昌縣城據此是後魏移治又甚明考水經注商河所逕曰平昌縣城屯別南河所逕曰西平昌縣城是兩城判然兩地蓋前漢治今縣東南之平昌城後漢治西北徙故加西字後魏復置於前漢治故除西字

舊說琅邪有平昌故此加西字

志曰治平昌城以別於西

平昌城也舊唐志平昌下云故城在今縣東三十里卽此城  
矣齊乘亦稱移理古城乃與寰宇記皆不載明兩漢非一城  
則所謂廢城古城者何代之城耶

高齊 州平原郡平昌縣天保七年廢安德郡移平昌縣治廢  
郡城省般重平二縣入之周因之

寰宇記德平縣高齊天保七年又移於今理

隋齊州郡平昌縣開皇十六年復置般縣於西平昌故城

唐河北道德州平原郡平昌縣貞觀十七年省般縣入之太和二年

屬齊州三年還屬五代梁因之唐改今名續通考以爲後梁改  
非蓋後唐避諱也

晉漢周因之

唐般縣故城在西南十六里貞觀十年徙寔字記貞觀十年般縣被水漂沒又移於漢平昌城東北十四里今縣西南六十里築城以置百姓按此平昌城乃西平昌城隋般縣也唐城在其東北十四里則在今縣西南十六里傳寫字倒耳

宋河北東路德州平原郡德平縣熙寧六年省入安德爲鎮元符二

年復

九域志安德有德平鎮是省入安德也宋志德州無此縣而齊乘以爲元符二年復置宋志蓋因九域志而漏載也

金山東東路德州德平縣

元直隸都省山東德州德平縣

續山東考古錄

卷之三

德平縣

三 蝸角尖廬

明山東布政司濟南府德州德平縣

國朝山東布政司濟南府德平縣

縣志

禹城縣

周齊高唐邑

春秋襄公十九年左傳夙沙衛奔高唐以叛杜注高唐在祝阿縣西北按水經注漢高唐縣卽齊高唐邑但晉時高唐並未省入祝阿杜氏不云今平原高唐縣而謂在祝阿西北後魏高唐縣屬南清河郡而魏志祝阿有唐城寰宇記旣稱高唐故城在禹城南五十里又云高唐亭城在禹城南一百里

疑漢縣非古邑也又三國魏志徐晃傳朱靈封高唐亭侯或  
魏別立侯邑杜氏誤以爲古高唐亦未可知備考 路史高  
城在齊之禹城漢故縣黃帝後姜姓之國按當是漢之高城  
縣蓋高城屬渤海亦齊地又云曹城侯爵在禹城高陽氏之  
後寰宇記漕城在禹城南一百里以爲衛侯所廬之漕邑誤  
甚路史又云古用國在禹城西

漢青州平原郡高唐縣阿陽縣後漢省阿陽入漯陰魏因之

高唐縣故城在西南五十里寰宇記云云

見上

又續通典稱在

廢禹城縣西四十里近志稱在倫鎮西北是也東昌府志以  
今高唐州爲古邑謬甚

阿陽縣故城在南七里俗曰羊落城寰宇記稱在廢禹城西  
北五十五里又云在禹城縣南七里水經注引應劭曰潔陰  
縣東南五十里有陽阿鄉故縣也按河水絕潔北流而逕阿  
陽城西潔絕河東流而逕潔陰城東是阿陽城在潔陰西北  
之明證潔陰故城在濟陽西南之臨邑故城西十里今羊落  
城正在其西北四十許里如應氏說則阿陽城當在大清河  
南歷城濟陽境上矣河水自平原東境能逕其西耶東南乃  
西北之訛無疑 漢志作阿陽水經注作陽阿考阿陽乃漢  
陽郡縣名志或有誤寰宇記稱漢魏以下改爲陽阿此縣後  
漢已省尙何改耶

元和志天寶元年改祝阿爲禹城縣以縣西南三十里有禹  
息故城因以爲名按禹息城蓋在廢禹城西南三十里也漢  
平原郡屬惟羽縣故城無可考羽縣莽曰羽貞余謂禹爲羽  
字音訛息爲貞字形訛耳備考

晉冀州平原國高唐縣又青州濟南郡漯陰縣地高唐晉亂廢

魏志高唐二漢晉屬平原後罷今縣南境當有二漢晉之祝阿縣地

後魏齊州南清河郡高唐縣景明中復置又齊州太原郡祝阿

縣地後魏祝阿城卽廢禹城高齊徙高唐於廢南清河郡城詳

唐今縣境仍爲高唐縣地元和志黃河在高唐縣東四十五里卽縣境趙牛岔河是蓋齊徙治後縣

境猶有祝阿縣地周隋因之

唐河南道

齊州

濟南郡

禹城縣

天寶元年改祇阿爲禹城

乾元二年徙縣來治又

傳

平郡

高唐縣地五代因之

乾元二年後禹城縣卽今治本遷善村寰宇記乾元二年逆

黨史思明侵河南守將李銳於長清邊家口決大河東至縣

因而淪溺今理遷善村元和志縣至齊州百五十里又云

在州西北八十三里則指廢禹城言寰宇記用此數誤也但

今縣至府僅百一十里元和志似從廢城加算今縣至廢城

六十餘里加八十餘里正百五十里矣

宋京東東路濟南府濟南郡禹城縣

縣無高唐地當在高唐徙今治後

金山東東路濟南府禹城縣析置齊河縣

元直隸都省山東曹州禹城縣

明山東布政司濟南府禹城縣

國朝因之

縣志

嘉慶十三年修  
知縣董鵬翔

沿革晉以前但載祝阿不合

臨邑縣

漢至晉潞陰安德平原等縣地

詳濟陽  
歸化城

東晉末移潞陰來泊巨

澤亭劉宋至隋臨邑安德平原等縣地唐元和十三年後歸化

縣地太和四年至五代臨邑縣地

割諸縣置歸化縣  
又省入臨邑也

東晉潞陰縣故城在東南

里俗曰薄刺王城水經注潞水

厯北潞陰城伏琛謂之潞陽城地理風俗記曰潞陰有巨澤亭

是也寰宇記宋武帝移潁陰於臨邑西北五十里北潁陰城

宋志德州下宋初省歸化縣按歸化唐太和四年省詳濟或

唐末五代復置歟縣北二十里有歸化城址其非在河北岸

之唐歸化縣城甚明或復置於此歟再考

宋京東東路濟南府濟南郡臨邑縣

宋志臨邑下建隆元年河決公乘渡口壞城三年移治孫耿

鎮按宋至今縣未再徙舊說稱今治即宋徙是也但舊孫耿

鎮實在今濟陽西南四十里新孫耿鎮在齊河寰宇記縣已徙治仍

用舊文者甚多既不足據九域志濟南一郡又復闕如殊難

詳究但寰宇記雜集羣書而成其山川古蹟往往一縣而或

用舊文或據新志如臨邑縣稱古黃河在縣南二十里考元和志黃河在臨邑北七十里孫耿鎮南二十里黃河從古所未經而今縣南之小支河正水經注河水故道宋初稍南行今土河故以此爲古黃河據此是太平興國時臨邑卽今治無疑通志謂徙孫耿不久又徙今治理或然也雖然劉宋僑立臨邑於今府北六十里寰宇記作五十里亦計里偶異非宋初南徙十里也至宋初不改而今濟陽西南六七十里內除孫耿鎮外並無臨邑故城孫耿鎮南至府五六十里疑宋建隆三年卽徙今治改舊治爲孫耿鎮而宋志有誤未可知也俟再考

金山東東路濟南府臨邑縣析置濟陽縣

元都省燕南河北道河間路臨邑縣初屬濟南路太宗七年來屬憲宗三年屬濟南路至元二年還屬

明山東布政司濟南府臨邑縣

國朝因之

縣志

道光十七年修  
知縣沈淮

沿革秦東郡黎縣齊郡漯陰縣並今

縣地東漢省黎縣入漯陰按漯陰卽古犁邑東郡黎縣在今鄆城縣西此旣誤以爲齊犁邑又杜撰東漢省入漯陰之說譬今鄆城能省入濟陽耶况古犁邑漢漯陰在今濟陽與今臨邑毫無干涉 古蹟蒺邱亭漯陰城新市城唐歸化城著城臨邑城孫耿鎮皆在今濟陽

蒺邱卽漯陰  
新市卽歸化

漢臨邑城一名馬防城

詳東阿

誤稱在僑臨邑境又杜撰劉

宋東魏郡治馬防城

### 平原縣

漢青州平原郡治平原縣冀州清河郡鄒縣

漢書表作俞及繹師古曰音輸

幕縣地

故城在西北二十五里今屬恩縣王莽以平原安德

未必有治所

平原縣故城在西南二十五里或以縣爲趙平原君封邑考

戰國齊趙界河縣治在河東通典平原郡春秋戰國屬齊是

也

平原君封於東武城今山東境有十一平原城漢縣一也

高苑境四也後魏平原縣在今鄒平五也宋陽平郡平原縣

在今汶上六也後魏平原郡在今聊城東北七也齊移汶上

周有之

之平原於今寧陽八也隋初平原縣即漢鄒平九也隋平原郡今陵縣十也又高齊東平原郡即廣川郡城十一也而趙公子拘平原君所封之東武城卻無平原之名

郇縣故城在西南三十里續通典稱在德州今陵縣西南五十

里按陵縣西南至今治已五十里此不合寰宇記誤同

後漢青州平原國治平原縣永寧元年改郡為國河間王開子冀封此安帝

廢之安帝時國除為郡建和二年復為國桓帝兄都鄉侯碩封建此留博陵不都平原

安十一年國除為郡又冀州清河國郇縣及繹幕縣地魏黃初

三年平原復為國七年除為郡明帝封此既立國除晉仍為國屬冀州王幹

於晉初封不就國永嘉五年卒年八十是西晉平原終為國也而晉書惠帝紀永興二年公師藩害平原太守王景是時幹尚

在或以未就國不行國制歟否則平原國內史史誤稱耳

後魏冀州安德郡平原縣真君二年併入鬲縣太和二十一年

復二十三年移平原郡治聊城之王城平原縣來屬又於縣置

東青州未幾罷

置罷未詳何時

又釋幕縣地又濟州南清河郡鄒縣

宇

記後魏省誤

水經注河水逕張公城魏青州刺史張治此當卽東青州治

也城在今治南六十里

元和志張公故闕在長河縣東南七十里與此非一地

高齊冀州安德郡平原縣省鄒釋幕二縣入之周因之

齊平原縣卽今治

據舊唐志

隋德州平原郡

平原縣開皇三年屬冀州九年屬

隋復置鄒非漢治詳夏津

唐河北道

德州平原郡

平原縣太和二年屬齊州三年還屬五代因

之

宋河北東路

德州平原郡

平原縣

金山東西路德州平原縣

元直隸都省山東德州平原縣

明山東布政司濟南府德州平原縣

國朝山東布政司濟南府平原縣雍正八年屬高唐直隸州十

二年還屬

縣志

乾隆十三年修知縣黃懷祖

疆域趙平原君食邑誤

劉宋仍爲

郡治又有兩平原一置於鄒平地一分甯陽地置按劉宋

疆域不及縣境置於鄒平者宋但爲郡非縣今甯陽高齊

平原非劉宋置 北魏眞君三年省平原入鬲縣考宋明  
帝泰始二年冀州始陷於魏眞君三年當宋元嘉十九年  
冀州尙爲宋有何由省入鬲耶按此竟不知劉宋冀州在  
青州魏時僑冀州已改齊州故不知與之核對致此巨謬  
繹幕北齊後不復見省於何時無明文惟南齊志繹幕縣  
屬南清河郡建武二年省則僑置遙領矣郇縣省入平原  
見北齊書按繹幕北齊省入平原見寰宇記南齊書云云  
乃南徐州所領與此不相干齊省郇入平原見隋志北齊  
書無此文

陵縣

周齊重邱邑

春秋襄公二十五年同盟於重邱杜注齊地水經注謂卽漢重邱縣姑從備考

漢青州平原郡安惠縣重邱縣

西境常有  
鬲縣地

安惠縣故城在東南三十里舊以今治爲漢安惠城其誤由舊唐志安德漢舊縣今州治至隋不改之說考寰宇記德州下云後魏太和中於今州東南三十里安德故城置安德郡隋開皇三年罷郡九年於今安德復置德州此漢縣在彼不在此隋始移今治之明文其安德下不載故城人多不察耳重邱縣故城在東北二十里今神頭鎮自顏碑有厭次在德

州

信陽

東北廿二里之繆說近志踵襲甚或反據之以駁鄺

注考證已辨其誤特其地確有古城址非證明係古何城仍無以執沿訛之口考水經注屯別南濱逕安德縣故城西又東北逕臨齊城南又屈而逕其東始東齊末賔大魏築城以臨之故城得其名也又東北逕重邱縣故城西應劭曰安德縣北五十里有重邱鄉故縣也又東北逕西平昌縣故城北按安德故城在今縣東南三十里神頭鎮在今縣東北二十里則在安德故城北正五十里而今治卽臨齊城在其西南德平之西平昌城在其東北平原之鴻溝卽屯別南河恰逕其西其爲重邱故城夫復何疑舊說在直隸吳橋境蓋誤以

今治爲漢安德城其北五十里已入吳橋境故云然耳

後漢青州平原國安德縣

建武三十年以安德重邱等六縣益濟南國中元二年削安德等五縣無

重邱則省在建武三十年後矣又建初八年復還所削地永興元年復還平原郡

魏因之

晉冀州平原國安德縣

後魏冀州安德郡治安德縣太和中置郡尋併入渤海郡中興

中復又移鬲縣來治臨齊城

移治未詳何時

高齊省鬲縣周因之

後魏鬲縣卽今縣治魏志鬲縣治臨齊城今治安德故城在

東南重邱故城在東北鴻溝逕其南又屈逕其東其爲臨齊

城無可疑者舊謂德州之邊臨鎮是其地在屯別北濱之北

屯別南河能逕其南與東耶

隋志安樂下舊置平原郡開皇初廢按後魏平原郡治聊城縣隋志聊城下亦云舊置平原郡開皇初廢則齊周平原郡仍治聊城可知此當作舊置安德郡

隋德州治安德縣開皇三年廢安德郡縣屬冀州九年置德

州大業二年改平原郡

隋安德縣卽後魏鬲縣城開皇九年徙隋志此縣作安樂他書皆無隋改安德爲安樂之說舊唐志安德漢至隋不改以言治所則誤以言縣名則可證隋志之誤唐仍名安德諸書亦無唐改安樂爲安德之說樂字傳寫訛耳

唐河北道

德州平原郡

治安德縣五代因之

宋河北東路德平州軍事治安德縣熙寧六年省德平入之元

符二年復析置九域志安德又有將陵鎮蓋徙治長河西城故城入安德也金復析入吳橋

金山東東路德州防禦治安德縣

元直隸都省山東德州治安德縣州初屬東平路後析隸省部

明山東布政司濟南府陵縣洪武九年廢安德縣其地直隸於

州七年移州治元陵縣故城十三年復析德州置今縣來屬

國朝因之

縣舊志康熙十二年修竟不知為古安德縣其古蹟載城內有安德縣

故治以為無可考知為古平原郡將漢郡及平原縣皆混

入新志道光十七年修較舊志自彬彬可觀惜不知據

知縣沈淮

齊乘考證仍沿顏碑誤說以神頭爲厭次 志不言安德  
有故城其圖有故城在今治西北似未見寰宇記 其古  
河圖錯誤尤甚

長清縣

周祝國春秋爲齊祝柯邑又盧邑石窰邑野井邑

禮樂記武王封帝堯之後於祝史記作黃帝後又春秋襄公  
十九年盟於祝柯杜注今祝阿縣左傳作督揚杜注卽祝阿  
考成十六年我師次於督揚不敢過鄭杜注以爲鄭東地又  
自督揚遂次於泗上督揚似非祝阿或兩地同名歟存疑俟  
考 竹書紀年周平王十三年齊人滅祝

春秋隱公三年齊鄭盟於石門尋盧之盟也杜注盧齊地今

濟北盧縣 路史盧姜姓國

又成公元年左傳予之石窳杜注濟北盧縣東有地名石窳  
元和志稱在長清縣東三十里今縣東 十里有石窩村卽  
石窳也

又昭公二十五年齊侯唁公於野井杜注濟南祝阿縣東有  
野井亭水經注玉水枕祝阿城東野井亭西注於濟當在今  
豐齊鎮東北玉符水東岸

漢兖州泰山郡盧縣文帝前元年爲濟北國治

國治今平陰縣之北安故城

武帝後元二年析濟北所治城爲北安縣後併入盧縣又荏縣

青州平原郡祝阿縣

盧縣故城在縣南 十里寰宇記盧城在長清縣東南五十

里考水經注濟水逕盧縣故城北漢賓谷水出格馬山而北

逕盧縣故城北是盧城在二水之間非西瀕濟岸也今治南

稍西有馬西學城

近志以爲孫臏龐涓學道之所無據

在大清河南沙河

卽漢賓谷

水

之間隔馬山在其東

故曰馬西

自長清故城視之南而微東似

卽盧縣故城備考 紀要誤以長清故城爲盧城又誤作二

十五里近志多沿其繆

荏縣故城在東南三十里今張夏鎮

祝阿縣故城在東北三十許里

後漢兗州濟北國治盧縣和帝復置國建安十一年除爲郡十七年復爲國又泰山郡荏縣青州平原國祝阿縣建武三十年以祝阿益濟南國中元二年削之建武八年復還所削地永興元年復故魏初濟北爲郡太和六年復爲國改荏爲山荏縣

三國魏志景初元年春正月壬辰山荏縣言黃龍見

晉兗州濟北國盧縣國移治穀城縣之盧子城詳東阿又泰山郡

山荏縣青州濟南郡祝阿縣後趙石氏置祝阿郡東晉義熙中僑置太原縣屬泰山郡

晉書桑虞傳石虎青州刺史劉徵請虞爲長史帶祝阿郡

僑太原縣故城在西南十五里又名升城補東晉志僑郡縣

內有太原縣下云太原漢郡名屬并州沈志本郡僑立此縣  
晉安帝義熙中土斷立屬太山郡按地形志司馬德宗置又  
劉義隆置太原郡是晉有太原縣而無太原郡也圖經在長  
清縣東北名東太原城亦曰升城余按水經注濟水逕盧縣  
北又北逕什城北城際水湄故邸閣也祝阿人孫什將家居  
之因謂之什城魏志太原縣治升城什升字形訛也其城在  
濟水之濱卽隋唐長清縣城下詳圖經在東北者乃劉宋太原  
郡所治山茌城去濟水四五十里非升城洪氏旣知晉無郡  
又引圖經云晉義熙中僑置太原郡於此不一置辨何耶且  
晉此縣屬太山郡當列實郡僑縣不當列僑郡僑縣

續山東考古錄

卷之三

長清縣

圭 蝸角尖廬

劉宋青州僑太原郡治山荏縣又太原縣祝阿縣兗州濟北郡  
盧縣明帝太始三年并州會治太原縣

并州刺史清河  
房吉守升城

水經注太原郡治山荏

後魏齊州太原郡治太原縣孝昌二年徙治又山荏縣盧縣又  
祝阿縣地徙縣治於濟水北高齊廢太原郡與周三縣皆未詳

何屬

此盧縣疑  
高齊已省

寰宇記長清縣後魏孝昌二年自山荏故城移東太原郡於  
此又隋志長清下云又有東太原郡後齊廢按魏志此太原  
郡無東字或史官追加者

魏志齊州盧縣有盧城平陰城孝子堂未詳徙治何所

隋濟北郡長清縣開皇五年廢太原縣爲鎮十四年於其故城

置長清縣又置時平縣大業初改名濟北亂廢省山荏入厯城  
升城西濱濟水圖經稱東太原郡卽升城寰宇記長清縣卽  
後魏太原郡城是長清縣故城卽升城明矣近志長清故城  
外別出什城非是

濟北縣故城在西南四十許里寰宇記長清縣故濟北城在  
縣西三十里耆舊相傳云移於今縣改爲長清按後魏荏平  
亦曰時平此縣初置名時平或卽後魏荏平所治之鼓城縣志  
亦載鼓城其城在大河之曲本在縣與今荏平界上但隋又有荏平縣未敢逕斷此縣  
與長清同時置傳聞之說非是

唐河南道齊州長清縣武德元年復置山莊縣屬齊州四年

復置濟北縣屬濟州貞觀元年省濟北天寶元年改山莊曰豐

齊元和十五年省入長清五代因之

新舊唐志鄆州盧縣下並云天寶十三載濟北郡廢新志稱

長清隸齊州舊志稱隸鄆州而長清下又並云貞觀十七年

隸齊州兩書既不符本書又自矛盾未知孰是

豐齊縣故城在東北三十里今豐齊鎮元和志豐齊縣東北

至州四十里本漢莊縣也又云祝阿城在縣東北二里據此

豐齊治所當為祝阿地山莊故城在其境內耳 寰宇記長

清縣廢莊城在縣東四十里漢舊縣隋廢唐武德九元字年筆誤

復置在州西三十六里天寶元年八月改爲豐齊又一條云  
廢豐齊縣城在城東北四十里唐憲宗元和十五年隸入當  
陽按二條當作一條否則唐復置山莊後自爲一條蓋唐復  
置卽豐齊城與故城無與也當陽二字殊不可解

宋京東東路濟南府濟南郡長清縣

宋長清縣卽今治至道二年徙本刺榆店

金山東東路濟南府長清縣

元直隸都省山東泰安州長清縣

明山東布政司濟南府長清縣

國朝因之雍正二年屬泰安直隸州十二年還屬

縣志

道光十四年修知縣舒化民

沿革周清邑周首邑誤

詳東阿

漢龍

額縣誤

詳齊河

東漢改荏爲山荏按後漢志仍作荏

和

帝遷盧於周首爲郡治按晉濟北國治盧子城盧縣並未

徙治

後漢省龍額入祝阿此想當然語

南宋置東太

原郡按劉宋此郡無東字又云盧與祝阿皆屬之按宋盧

縣屬濟北

後魏置東濟北郡復立肥城爲郡治與縣無

涉 移東太原郡於山荏西北數十里是時未立縣按此

不知郡治卽太原縣

後魏時盧在周首祝阿在豐齊北

按魏兩盧縣皆不治周首祝阿已移治 北周立肥城郡

與縣無涉

隋盧縣按隋盧縣卽漢荏平與縣無涉 隋

祝阿歸原處按後魏祝阿早非原處周移治龍頤後還治  
後魏之祝阿非漢治 五年廢東太原郡改爲長清鎮按  
五年上脫開皇字廢郡是齊不是隋鎮何名古無明文

十四年又於故濟北郡設時平縣卽古盧縣地尋省入盧

縣按開皇六年置濟北縣十四年置時平縣大業初省濟

北入盧

治古荏平之盧

乃改時平爲濟北何嘗於故濟北郡置時

平縣乎

大業初析盧南境肥城西地置山榆縣按所析

是漢盧非隋盧所置是榆山非山榆且與縣無涉 大業

初復設濟北郡治盧與縣無涉 以今縣考之隋時西南

爲盧東北爲長清按隋盧非縣西南之盧 天寶元年就

山莊地置豐齊縣仍移山莊於漢縣按此似因元和志寰  
宇記而誤移於漢城則杜撰 改祝阿爲禹城與縣無涉

五代省盧入長清按長清境內之盧隋唐之世已爲長

清地治在平城之盧宋初猶在

以上沿革幾於無句不誤  
總由漢盧縣後魏盧縣後

魏齊州之盧縣濟州之盧縣又晉濟北所治盧子城概  
混而一之復不知後魏祝阿已徙濟北以致舛謬百出

濟南府補遺

付梓後續有所考不及錄入用仿朱氏日下舊聞之例補錄  
各府州之後

厯城縣

春秋定公十年齊衛鄭會於安甫杜注地闕公羊作會於鞏山  
河兩戒考謂卽戰鞏之鞏余疑當別是一地

漢書功臣侯表臺侯濟南臺縣也路史以爲臨淄臺鄉非是臺鄉

屬齊郡云路史平陸城卽東平陵在厯城東南十里誤

晉書載記慕容德傳遣公孫歸等入寇濟南執太守趙元按上  
文有遣尚書都令史王儼出爲濟南太守之文此濟南當是僑

郡宋書武紀義熙五年慕容德大掠淮北執陽平太守劉千載  
濟南太守趙元蓋暫僑置於淮北者 儒林傳劉兆濟南東平  
人平下脫陵字

宋志濟岷郡所領有營城縣或營城水濟岷屬縣僑郡沿實土  
之制歟 又垣譏之傳世祖以爲督冀州之濟南樂安太原三  
郡諸軍事冀州刺史按護之以冀州刺史兼督青州濟南三郡  
軍事宋志三郡屬青不屬冀也此作冀州誤

魏書莊帝紀永安二年齊州城人趙洛周據西城反濟陰王傳  
元脩義爲齊州刺史以齊州頻喪刺史聽更立館宇於是移理  
東城侯淵傳永熙初爲齊州刺史及汝陽王邈代爲齊州淵擁

部據城不時迎納州民劉桃符等潛引遷入西城按州治本亦在西城元脩義始移治東城侯淵據之故州民迎遷入西城也舊五代史高漢筠齊州厯山人按宋溫之父名誠當時郡縣有城字者多改名後唐旋復故故可考者無幾漢筠入仕當梁代或厯城曾改厯山史沿舊書之耳

宋史李溥傳齊州大水壞民廬舍欲徙州城未果命溥往視遂徙城而還按今厯城卽東西二城故址據此傳則是宋曾徙治所徙何地何時徙還耶考其時當太宗及真宗初年五行志載淳化二年齊州明水漲壞黎濟砦城百餘堵咸平元年齊州清黃河泛溢壞田廬皆不言徙州事宋地志城有遷移者必載齊

州並無徙治之文或疑爲濟州之訛亦無據再考

### 章邱縣

肇域志營縣城在章邱西北二十五里水寨按齊乘誤以水寨爲營城顧氏又誤以營城爲管城其實水寨乃古黃巾城管城尚在其西營城又在管城之西數十里也

### 鄒平縣

唐書宰相世系表有鄒平郡丞李萬安其孫曰知相元宗當是太宗高宗時人其時無此郡名也段志元文宗時封鄒平郡公當時亦無此郡但封爵往往虛立郡名郡丞則必確有此郡況唐初盡改郡爲州其時尤不應有郡丞也再考

淄川縣

路史苗國鄆也漢屬濟南郡隋爲淄川按隋淄川乃漢般陽縣古無淄稱又云薛國在淄州南四十里謂之大薛非薛南之小薛按此因史記漢書公孫宏傳而附會者

魏書房法壽傳房崇吉長子士隆興和中東清和太守帶盤陽鎮將和當作河南北朝輿地表清河槩作清和殊謬

德州

積古齋鐘鼎款識周鼎中有鬲攸从鼎文云佳卅有一年三月初吉壬辰王在周康宮又有皇祖丁公皇考惠公之文是鬲國周康王以後尚存矣

系上卷下金  
括地志鬲縣故城在安德西北五十里一統志謂在德州北與  
州志不同並存備考

舊五代史晉高祖天福五年十一月以水移長河縣治西城  
元史崔敬傳至正十七年分省陵州陵州乃南北要衝無城郭  
而居民散處云云按元升宋將陵縣爲陵州將陵治長河西城  
不得云無城郭州志稱至元二十三年又徙治西北余初未敢  
據觀此似元曾徙治本無城郭故今無址可考耳

德平縣

北齊書劉叔宗樂陵平昌人蓋齊省滄州安德郡入樂陵也

平原縣

括地志平原故城在平原縣東南十里按舊唐志稱故城在平原縣西南二十五里括地志疑誤

陵縣

輿地廣記稱隋於漢重邱故城置將陵縣蓋不知隋安德非漢城應劭謂安德北五十里有重邱故縣將陵縣在隋安德北五十里故云然耳元和志將陵縣取安德縣故城爲名蓋漢將陵侯城在安德境內取以名縣非於安德之重邱城置縣也

長清縣

服虔以祝其爲祝國誤

路史荏縣卽荏平誤

魏書許彥傳許廓除頓邱東太原二郡太守韓麒麟傳韓伯華爲東太原太守接齊州太原郡地形志無東字此史官所加以爲別崔長文傳稱齊州太原太守可證也

元史察罕帖木兒傳自將大軍渡河與賊戰於分齊大敗之進逼濟南城按分齊卽唐豐齊縣

### 禹城縣

山河兩戒考趙邑有高唐恐誤

魏書路恃慶傳葛榮遣其清河太守季虎據

汲古閣本據高周字在季虎上

城周唐字形訛

### 臨邑縣

元史百官志至元二十一年置管領河間臨邑長官司掌軍民  
二百有二戶